

que etiam ex eo quod quicumque in premiffis, seu eorum aliquo jus, vel interesse habentes, seu habere quovis modo preterdentes cujuscumque status, gradus, ordinis, preeminetia, & dignitatis, seu alias specifica, & individua mentione digni existant, illis non consenserint, nec ad ea vocati, & auditi, neque cause propter quas ipsa presentes emanarint, adducta, specificata, & justificata fuerint, aut ex quacumque alia etiam quantumvis justa, pia, & privilegiata causa, pretextu, colore, & capite, etiam enormis, enormissima, & totalis lationis de subreptionis, vel obreptionis, aut nullitatis vitio, seu intentionis nostre, aut interesse habentium, consensus, aliove quolibet etiam substantiali, ac de necessitate specificae exprimentodo defectu impugnari, redargui, infringi, notari, restringi, seu in controversiam vocari, aut adversus illas quodcumque juris, facti, vel gratia remedium intentari, vel impetrari, seu impetrato, aut etiam motu proprio, ac ex certa scientia, & de Apostolica potestate plenitudine emanato, vel concessio quempiam in iudicio, vel extra illud uti, seu se juvare nullatenus unquam posse, sed easdem presentes literas semper, & perpetuo firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & spectabit quoadcumque in futurum inviolabiliter observari; Sicque in premissis per quoscumque Judices ordinarios, & delegatos etiam causarum Palatii Apostolici Auditores, ac S. R. E. Cardinales etiam delatere Legatos, & Apostolicæ Sedis Nuncios, & alios quoscumque, etiam quavis preeminetia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si secus super his a quoquam quavis auctoritate, scienter, vel ignoranter contigerit attentari.

Derogatio contrationum

Transumptio- rum fides.

Dat. die 26. Sept. 1667. An. I.

§.8. Non obstantibus quoad ea que presentibus adversantur preinsertis Alexandri Predecessoris Literis, aliisque Constitutionibus, & Ordinationibus Apostolicis necnon omnibus, & singulis illis, que in eisdem literis concessa sunt non obstare, ceterisque contrariis quibuscumque.

§.9. Ceterum volumus pariter, ut ipsarum presentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique habeatur, quæ presentibus haberetur, si forent exhibita, vel ostensa.

Datum Romæ apud S. Mariam Majorem sub Annulo Piscatoris, die 26. Sept. 1667. Pontificatus nostri Anno I.

Confirmatio Privilegiorum omnium concessorum, tam Guardiani Sacri Montis Sion, quam Fratibus, necnon locis Terræ Sanctæ.

CLEMENS PAPA NONUS

Ad perpetuam rei memoriam.

Plis Christifidelium votis, ex quibus Sacrorum locorum venerationem, & animarum salutem provenire conspicimus libenter annuimus, & illa quantum Nobis ex alto conceditur, favoribus Apostolicis confavemus.

§.1. Cum itaque sicut dilectus filius Ludovicus a Justitia Frater expresse professor Provincie Granatensis Ordinis Minorum Sancti Francisci de Observantia nuncupatorum, ac Prædicator Verbi Dei, necnon Commissarius, ac Procurator Generalis in Romana Curia totius Familie Terræ Sanctæ Nobis nuper exposi fecit, ipse ad eisdem Terræ S. subsidium, eorundemque Fratrum inibi vineam Domini assidue, excolenti, sacraque loca venerationis subventionem, necnon ad spirituales Catholicorum in illis partibus degentium, eoque devotionis causa peregrinantium consolationem, & profectum omnia, & singula gratias, privilegia, & indulgentias hucusque sacris eisdem Terræ Sanctæ locis apostolica auctoritate etiam confirmari, & approbari plurimum desideret.

§.2. Nos desiderio hujusmodi annuere, ipsumque Ludovicum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes, supplicationibus illius nomine Nobis super hoc humiliter porrectis inclinati, omnia, & singula privilegia, concessionem, facultates, indulta, indulgentias, ceterasque gratias spirituales, & temporales eisdem locis, & illa visitantibus, necnon dicti Ordinis Guardiani, & Fratibus in dictis partibus degentibus per quoscumque Romanos Pontifices Predecessores nostros, ac Sedem Apostolicam in genere, vel in specie, aut alias quomodolibet, concessa, quatenus sint in usu, & non sint revocata, aut sub aliquibus revocationibus comprehensa existant, sacrisque Canonibus, Constitutionibus Apostolicis, ac Concilii Tridentini decretis non adversentur Apostolica auctoritate tenore presentium confirmamus, & approbamus, ac perpetuè inviolabilis apostolicæ firmitatis robore communimus, ac omnes, & singulos, tam juris, quam facti defectus, si qui desuper in eis quomodolibet intervenerint, supplemus.

Exordium.

Supplicatio.

Concedit Pontifex.

Nec

Indulgentias in mortis articulo concedit

§.3. Necnon insuper omnibus, & singulis eorundem Fratrum interpretibus nunc Hierosolymis Bethlehem, & Nazareth existentibus, & viventibus in cujuslibet eorum mortis articulo, si vere poenitentes, & confessi, ac Sacra Communionem recepti, vel quatenus id facere nequeverint, saltem contriti nomen Jesu ore, si potuerint, sin minus corde devote invocaverint, plenariam omnium peccatorum, suorum indulgentiam, & remissionem misericorditer in Domino concedimus, & elargimur.

Derogatio contrationum

Dat. die 30. Sept. 1667. An. I.

§.4. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Mariam Majorem sub Annulo Piscatoris, die 30. Sept. 1667. Pontificatus nostri Anno I.

Ex Rescript. in Secret. Brev.

Quod Officium Sancti Ignatii Societatis Jesu Fundatoris sub ritu duplici in posterum recitetur ab omnibus, qui ad horas canonicas tenentur.

CLEMENS PAPA NONUS

Ad perpetuam rei memoriam.

Exordium.

Mandat celebrari festum sub ritu duplici.

Contrariis derogat.

Transumptio- rum fides.

Dat. die 11. Oct. 1667. An. I.

Redite Nobis divinitus dispensationis ratio postulat, ut Sanctorum in Cælis regnantium, quorum egregia constant in Ecclesiâ Catholicam merita, cultum, & venerationem in terris condignis honorum incrementis ampliari studeamus.

§.1. Itaque cultum, & venerationem Sancti Ignatii Societatis Jesu Fundatoris de Universali Ecclesiâ adeo benemeriti, ubique terrarum augere volentes, auctoritate apostolica tenore presentium mandamus, ut ejus festum, quod sub ritu semiduplici ad hunc usque diem celebratum est, perpetuis futuris temporibus sub ritu duplici celebretur. Præcipientes propterea, ut omnes tam seculares, quam regulares utriusque sexus, qui ad horas canonicas tenentur, eas in posterum de memorato Sancto Ignatio sub prædicto ritu duplici recitent. Ac ipsius Sancti Ignatii festum sic sub ritu duplici celebrandum in Romano Breviario apponi debere decernimus.

§.2. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.3. Volumus autem, ut earundem presentium literarum transumptis, seu exemplis, etiam impressis manu alicujus Notarii publici, vel Secretarii dicte Societatis subscriptis, & sigillo Præpositi Generalis eisdem Societatis, vel alterius personæ in ecclesiastica dignitate constitutæ munitis eadem prorsus fides adhibeatur, quæ presentibus ipsis adhiberetur, si forent exhibita, vel ostensa.

Datum Romæ apud S. Mariam Majorem sub Annulo Piscatoris die 11. Octob. 1667. Pontificatus nostri Anno I.

Bull. Rom. Tom. VI. P. 161.

Extensio Literarum Pauli V. super erectione Monasterii Ursulinarum Burdagalen. emanatarum, & Concessionum, & Indultorum eidem Monasterio in eis factorum, ad omnia ejusdem Regule, & Instituti Monasteria in utraque Germania.

Ex Rescript. in Secret. Brev.

CLEMENS PAPA NONUS

Ad perpetuam rei memoriam.

Militantis Ecclesiæ regimini per ineffabilem divinæ sapientiæ, atque bonitatis abundantiam, nullo licet meritorum nostrorum suffragio, præpositi, sacrarum Virginum, quæ obliata populorum suum, & Domum Patris sui, divinis obsequiis, & beneplacitis sese sub suavi Religionis jugo manciparunt, regimini, progressui, & commodis consulere jugiter studemus, sicut in Domino salubriter expedire arbitramur.

Procurium.

§.1. Exponi siquidem Nobis nuper fecit Ven. Frater Archiepiscopus Cameracen., quod dudum fel. rec. Paulus Papa V. Predecessor noster Monasterium Sacrarum Virginum sub Regula S. Augustini, & patrocinio S. Ursule in Civitate Burdagalen. in Gallia, quarum institutum est juvenutem sui sexus bonis artibus, & præsertim christianis moribus instruere, & quæ certas Constitutiones a bo. mem. Francisco dum vixit S. R. E. Cardinale de Sourdis nuncupato Ecclesiæ Burdagalen. ex concessione, & dispensatione Apostolica Præsule, ex commissione Sedis Apostolicæ confirmatas servare deberent, auctoritate apostolica erexit, & instituit; ipsique Monialibus, & Monasterio hujusmodi nonnulla privilegia, immunitates, exemptiones, prærogativas, gratias, & indulgentias, quibus Ordo S. Augustini, ejusque personæ, ac bona de jure, usu, consuetudine, aut alias quomodolibet utuntur, fruuntur, & gaudent, concessit, & alias prout in eisdem Pauli Predecessoris literis anno 1618. expeditis, quarum initium est: *In Supremo militantis Ecclesiæ Solio*, &c. uberius dicitur contineri.

Supplicatio.

§.2. Cum autem sicut eadem expositio subjungebat, hoc pium Virginum Ursulinarum nuncupatarum institutum ex Gallia in semotas Regionem etiam transmarinas novæ Gallie, ac in utramque Germaniam benedicente Domino feliciter propagatum fuerit, dictæque Virgines pro earum ferventi zelo utilem, laboriosamque operam Puellis edocendis cum magno Religionis, & divini cultus incremento naven, ac non solum propriæ, sed etiam alienæ salutis procurandæ sedulo incumbant; præfatus vero Archiepiscopus Cameracen., ac dilecti filii Superiores Monasteriorum Monialium Ursulinarum hujusmodi, in utraque Germania consistentium præfatas Pauli Predecessoris literas ad omnia ejusdem cum præfato Monasterio Burdagalen. Instituti Monasteria tam erecta, quam imposterum bene-

C c 2

nedi-

nedicente Domino erigenda extendi plurimum desiderant; Nobis propterea dictus Archiepiscopus Cameracen. eorumdem Superiorum nomine humiliter supplicari fecit, ut in præmissis opportune providere, & ut infra indulgere de benignitate apostolica dignaremur.

Concedit Pontifex.

§.3. Nos igitur ipsos Archiepiscopum, ac Superiores, & Moniales specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt ad effectum presentium dumtaxat consequendum harum serie absolventes, & absolutas fore censentes, necnon dictarum Pauli Prædecessoris literarum tenorem, presentibus pro plene, & sufficienter expresso habentes, hujusmodi supplicationibus inclinati, de Ven. Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, attentis narratis, supradictas Pauli Prædecessoris literas, ac Concessionem, & Indulta Monasterio præfato Burdgalen. in ipsis facta, ad omnia ejusdem Regule, & Instituti Monasteria in utraque Germania tam hucusque erecta, quam in posterum erigenda, auctoritate apostolica tenore presentium extendimus, & ampliamus, salva tamen semper in præmissis auctoritate Congregationis præfatorum Cardinalium.

Decretum irritans.

§.4. Decernentes easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos, & quas spectat, & pro tempore spectabit plenissime suffragari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrariorum.

§.5. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ memoratus Paulus Prædecessor in suis literis prædictis, concessit non obstante, ceterisque contrariis quibuscumque.

Transumptum fides.

§.5. Volumus autem, ut earumdem presentium literarum transumptis, seu exemplis etiam impressis manu alicujus Notarii publici subscriptis, & sigillo personæ in dignitate ecclesiastica constitutæ munitis, eadem prorsus fides ubique adhibeatur quæ presentibus adhiberetur si forent exhibitæ, vel ostensa.

Dat. die 12. Oct. 1667. An. 1.

Datum Romæ apud S. Mariam Majorem sub Annulo Piscatoris die 12. Octob. 1667. Pontificatus nostri Anno I.

Confirmatio literarum Generalis Ordinis Prædicatorum pro Religiosis Provinciae Hiberniæ, & aliarum ejusdem Ordinis sublevandis, novisque nationalibus Collegiis, & Domibus in Hispania, & aliibi erigendis.

Ex Regest. in Secr. Brev.

CLEMENS PAPA NONUS

Ad futuram rei memoriam.

Nuper emanarunt a Nobis ad favorem dilectorum filiorum Fratrum Provinciae Hiberniæ Ordinis Prædicatorum literæ in simili forma Brevis tenoris, qui sequitur, videlicet.

Recessentur similes aliarum concessionem.

§.1. Clemens PP. IX. Ad futuram rei memoriam. Creditæ Nobis cœlitus dispensationis ratio exigit, ut paternam virorum, Religiosorum eorum præsertim, qui Evangelicæ prædicationi addidisti labores, & pericula pro fide Catholica alacriter subeunt, curam gerentes, illa, quæ pro eis sublevandis, piisque, & laudabilibus eorum studiis fovendis, & promovendis ab eorum Superioribus Regularibus pie, prudenterque facta, & constituta esse noscuntur, ut firma, atque illibata persistant, Apostolici muniminis patrocinio libenter robaremur.

Supplicatio

Exponi siquidem Nobis nuper fecit dilectus filius Magister Generalis Ordinis Prædicatorum, quod ipse pro manutentione instituti Evangelicæ prædicationis, cui dictus Ordo enixe incumbit, ac pro sublevandis Religiosis Provinciae Hiberniæ, & aliarum ejusdem Ordinis qui laboribus, carceribus, minis, & opprobriis pro Catholica Fide vexantur, literas patentes expedit tenoris, qui sequitur, videlicet: Frater Joannes Baptista de Marinis Sacræ Theologiæ Professor Ord. Prædicatorum humilis Magister Generalis, & Servus in Dei Filio sibi dilecto R. P. Fr. Joan. Cnosur a Sancto Dominico ejusdem Ordinis, & Provinciae nostræ Hiberniæ Procurat. Generali salutem.

Hibernia re, & nomine quondam floridissima SS. Insula, sed postremo hoc nostro sæculo avitæ Religioni tristi passim excidio miserrime deformata, tanto sollicitiorem meretur omnium Christianissimum ubique commiserationem, quanto periculosus hodie sub novo quodam persecutionis genere ibidem orthodoxa fides lacertatur: neque hic nobis eundem per singula, dum in paradigma sufficiunt nostrorum illic fratrum, quas exposuisti calamitates, & clades, nimirum ipso eorum Provinciali ob fidem retruso in sequestrum aliis alibi in vincula conjectis, Missionariis dispersis, Communitatibus dissipatis, & quibus nisi aliunde per novorum identidem operariorum quotidiana supplementa provide succurratur, brevi de Provincia actum erit.

Porrò, ut prudenter suggestisti, iis succurri non poterit, nisi extra Insulam in aliis

aliis Catholicorum Principum Regnis, ac ditionibus multiplicentur nationalia Religiosorum istorum domicilia, & Literarum Collegia, in quibus tum exules nostri Missionarii ob fidem profcripti asylum inveniant, tum vernacula Hibernorum juvenis studii controversiarum, & sacrarum linguarum jugiter ad Apostolicam missionem erudiat. Hoc igitur extremum, istius desolationis remedium, ut suo tandem potiatur usu, & effectu, in quem una tecum undique plurium Magnatum vota, instantiæ, promissa munifice, pientissimèque conspirant, ampliusque in aliis partibus Regionibus conspiratura putantur.

Nos harum serie, ac suprema officii nostri auctoritate in primis tibi supranominato, tuisque in Officio Successoribus potestatem facimus acceptandi, erigendi, ac formandi apud Matritum Hispaniæ unicum tuæ nativæ Provinciae Collegium, quale confidis illic ex priorum elemosynis ac liberali fundatione te obtenturum, ad effectum præcipue ibidem sub regulari disciplina educandi Missionarios Hibernicæ nationis indiscriminatim, ita tamen, ut etiam Angli, & Scoti in eodem Collegio recipiantur, sustententur, & instruantur cum potestate etiam ibidem recipiendi ad habitum, & professionem Juvenes supradictarum trium nationum, illosque educandi in proprio novitiatu sub exacta observantia regulari. Simili ratione, sine, ac modo in aliis quibuscumque locis, tum Hispaniarum, tum cæterorum per Europam Catholicorum Regnorum, Statuum, ac ditionum, ubicumque Patronos, fautores, ac fundatores potueris reperire, & ad tantæ pietatis opus inducere, tibi, tuisque Successoribus in officio amodo liceat hujusmodi Collegia procurare, suscipere, eorumdem Regnorum nationalibus consignare, ad effectum, ut supra, & cum iisdem facultatibus.

Volumus autem, ac declaramus, quod omnia, & singula ejusmodi Collegia ubicumque Dei ope, fidelium munificentia, tuaque, & Successorum industria excitabuntur, ipso facto sint, & permaneant vera membra solius nostræ Provinciae Hiberniæ, ita quod nulli alteri Ordinis Superiori subsint præterquam suo Provinciali Hiberniæ, & Magistro Ordinis pro tempore interim donec fratres nostri proprias seorsim fundationes, ac domicilia, ut supra possideant, ne stante hac eorum notoria paupertate adigantur ad solvendas in Provincialium Conventibus, aut Hospitiis taxatas contributiones, quas utique extores, & egeni solvere nequeunt instar cæterorum, qui pacatas Provincias habent, mandamus, quod Præsides istorum Conventuum, & Hospitiarum in hujusmodi alienis Provinciis nihil a Fratribus nostris Angliis, Hibernis, Scotis apud se hospitaturis exigant, ultra quotidianæ missæ celebrationem tantum, ubicumque; vero iidem fratres in Hospitiis, aut Conventibus sub ea conditione non recipientur, licebit ipsis

hospitari apud quoscumque alios benevolos receptores Ecclesiasticos, sive seculares, ne ob temporales respectus ullibi sanctum istud procurandarum fundationum impediatur negotium, a quo tot animarum salus dependet.

Denique in virtute Spiritus Sancti, Sanctæ Obedientiæ, sub formali præcepto necnon sub poena majoris excommunicationis ipso facto incurrenda, aliisque poenis Nobis arbitrariis ex nunc strictissime prohibemus, universis, & singulis nostræ Curæ subiectis, quacumque dignitate, gradu, officio, aut qualitate censeantur, ne ullibi supradictas Collegiorum Hibernicorum pro nostris fundationes, acquisitiones incrementa, per se, vel per alios directe, vel indirecte, clam, vel palam sub quocumque motivo, colore, aut imaginabili pretextu impediunt, retardent, aut disturbent, quin potius enixe hortamur A. RR. PP. tum Hispaniarum, tum cæterarum Provincialium Priores Provinciales, quatenus per se, & suos ubique tam Sanctum, & pium opus magno studio, & consilio promoveant, juvent, ac foveant, fratres nostros Hibernos in suis Provinciis, & Congregationibus libenter, paternèque complectantur, ipsorum solatio, & profectibus sincere faveant, ipsos benefactoribus commendent, omnique opportuno subsidio, consilio, effectu eis opitulari non dedignentur, & quia charitati nulla præfixa est mensura, aut limes, hortamur eosdem Priores Provinc. in visceribus Jesu Christi quod his Fratribus ad missiones, & martyria pro fide auctoritatis sponte, ac liberaliter ex suismet propriis Conventibus unum aut plures in suis Provinciis cedant, ac resignent. Tales autem Conventus hoc modo resignatos ex nunc pro tunc iisdem Fratribus, ipsorumque Provinciae applicamus & incorporamus Apostolica auctoritate speciali, qua in hoc fungimur.

Item supradictam facultatem procurandi, fundandi, acceptandi, & formandi hæc nationalia Collegia, Domos, atque Conventus pariter extendimus ad acquirenda Monialium Cœnobia, seu Monasteria pro Hibernis, Angliis, & Scotis Deo ubi locorum consecrandis, siquidem, hæc in propria sua Patria hanc relinquendi sæculi commoditatem sperare nullibi possunt.

Quod si etiam in aliarum Missionum, præsertim orientalium solatium tibi, vel tuis Successoribus in officio placuerit, ac sine incommodo propriorum nationalium pie fieri videbitur, concedimus pariter, quod in prædictis nostris Domibus, Collegiis, & Conventibus recipiantur etiam nostri Fratres Armeni, sive ad hospitandum, sive etiam ad commorandum pro studio, & instructione: idemque concessum esto quoad alios Religiosos nostros de terris infidelium adventantes.

Porro ut omnibus his, quæ sperantur in novellis Cœnobiorum plantationibus de optima, & stabili forma regiminis, prosperè

ipiciatur, ex nunc harum serie te, tuosque in hoc tuo Procuratoris generalis officio Successores omnibus hujusmodi Cœnobii Collegiis, ac Domibus præficimus cum titulo Vicarii Provincialis Hiberniæ pro tempore, cumque omni in spiritualibus, ac temporalibus jurisdictione, ac potestate, quam Priores Provinciales in suis Provinciis habere debent, ac solent, etiam cum facultate subdelegandi, ita ut quando contigerit te, tuosve Successores longius distare, aut alio impedimento detineri ab adeundo loco, ubi Collegium, seu Cœnobium, aut Fratrum, seu Monialium, plantandum, acceptandum, formandum, aut visitandum fuerit, possis, iique successive possint eo destinare Commissarium, ac Visitatorem quoties, & quando opus fuerit, cum plena, aut limitata auctoritate, prout videbitur, talemque seu Commissarium, seu Visitatorem a te, seu tuis Successoribus missum possis (illique possint) revocare, aliumque subrogare ad effectum ea omnia, & singula agendi, disponendi, atque præstandi quæcumque ipsimet ageres, si personaliter eo accessisses. Item quantum in Nobis est, tibi, tuisque Successoribus plenariam concedimus facultatem destinandi Prædicatores, & Missionarios ad terras Infidelium, & hæreticorum pro conversione, & lucro animarum, seu pecuniarum, seu periculantium. Insuper tibi, & Successoribus tuis potestatem damus imponendi præcepta formalia, fulminandi censuras, condemnandi ad poenam carceris, & exercendi omnes illos actus jurisdictionis, quos Provinciales ex ordinaria sua auctoritate exercere possunt in personas sibi subiectas. Præterea si contingat supra dicta Collegia, Cœnobia, Monasteria, vel aliquod eorum ab ipso Provinciali Hiberniæ personaliter visitari, ipso præsentate quiescat ibidem tua, tuorumque Successorum auctoritas: verum illo inde digresso, eadem auctoritas ipso facto redibit ad usum ut antea, sic quod ea non censetur expirasse per adventum Provincialis, neque illam tunc, aut alias tibi possit auferre Provincialis Hiberniæ in toto, vel parte, nisi de expresso consensu Magistri Ordinis; vero per mortem sublato, ad Provinciale Hiberniæ pertineat subrogare alium Procuratorem Provincie cum iisdem facultatibus, ut supra, & cum præfixione termini quoad durationem officii, quem tamen semel, ac pluries poterit prorogare, prout postulabit necessitas. Uterius ex Apostolica auctoritate Nobis specialiter indulta concedimus tibi, & tuis Successoribus plenariam facultatem, qua in præmemoratis novis Conventibus, Collegiis, ac Monasteriis instituas, & præficias Priores, Rectores, & Priorissas, donec ad eum perveniant numerum personarum, qui ad electionem canonicam sufficiat, & eadem facultate possis electiones approbare, & confirmare, ipsis vero institutis, aut electis terminum officii sui, quatenus expedire iudicaveris, semel, & pluries prorogare,

vel ut reeligantur, habitare. Similiter possis ubique in domibus tibi subiectis intituere Subpriores, Vicarios, Præfides, Magistros Novitiorum, Lectores, Officiales, ac studiorum Moderatores; eadem proportionaliter, ac respective circa Monasteria Monialium tibi concessa sunt, & quidquid facultatis, aut jurisdictionis tibi in his nostris literis patentibus conceditur, id totum pariter tuis in eodem officio futuris Successoribus concessum intelligatur.

Et ut omnia obstacula, quantum fieri potest, removeantur, denuo sub formali præcepto, & anathemate, quo supra, necnon sub poena privationis utriusque vocis, & graduum, perpetuæque inhabilitate ad ea recuperanda interdiximus universis, & singulis, tam Superioribus, quam subditis in quacumque Ordinis Provincia, aut Congregatione degentibus, ne huic per Nos tibi, & Successoribus tuis collata jurisdictionis titulo, & facultati quisquam sese opponat, eamve judicialiter, vel extrajudicialiter impugnet, aut impediatur, ipsi vero fratribus, & sororibus prædicta nova Collegia, Conventus, atque Monasteria respective inhabitentur, aut in iis quoquo modo, vel occasione commoraturis præcipimus sub eodem formali præcepto, iisdemque poenis, quod tibi, & tuis Successoribus tamquam legitimis suis Prælatibus, ac veris Superioribus exactam præsentent obedientiam, reverentiam, & honorem. In nomine Patris, & Filii, & Spiritus Sancti: quibuscumque in contrarium non obstantibus. In fidem his officii nostri sigillo munitis propria subscripsimus. Romæ 6. Julii 1667.

Cum autem, sicut eadem expositio subijungebat, prædictus Magister Generalis literas hujusmodi, quo firmius subsistant, ac ferventur exactius, Apostolica nostra confirmationis prædicio communiri plurimum desideret. Nos ipsum Magistrum, Generalem specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum harum serie absolventes, & absolutum fore censentes. Supplicationibus ejus nomine Nobis super hoc humiliter porrectis inclinatis. De Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, attentis narratis, visisque, & diligenter per eosdem Cardinales consideratis literis patentibus præinferti tenoris, eisdem literas auctoritate Apostolica tenore præsentium benigne confirmamus, suumque effectum sortiri mandamus, salva tamen semper in præmissis auctoritate Congregationis prædictorum Cardinalium.

Decernentes ipsas præsentibus, & præinfertis literas firmas, validas, & efficaces existere, & fore, ac illis, ad quos spectat,

Confirmat Pontificali- ras Generalis prout in rub.

Decretum irritans.

stat, & spectabit in futurum in omnibus, & per omnia plenissime suffragari, & ab illis respective inviolabiliter observari: Sicque in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane si fecus super his a quoquam quavis auctoritate scienter, vel ignoranter contigerit attentari.

Derogatio contrarium

Non obstantibus Constitutionibus, & Ordinationibus Apostolicis, ac quatenus opus sit, dicti Ordinis, & Provinciarum, ac Conventuum, & locorum Regularium quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Fides transumptis danda

Volimus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in ecclesiastica dignitate constitutæ munitis, eadem fides adhiberetur si forent exhibitæ, vel ostensæ.

Extensio Superiori indulti

Datum Romæ apud S. M. Majorem, sub Annulo Piscatoris, die 16. Sept. 1667. Pontificatus nostri Anno I.

§.2. Nunc autem eosdem fratres amplioris favore gratiæ prosequi volentes, eorumque ac dilecti pariter filii Joan. Ochoyair a Sancto Dominico Procuratoris dictæ Provinciæ Hiberniæ, singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum præsentium tantum consequendum harum serie absolventes, & absolutas fore censentes, Supplicationibus ejusdem Joannis nomine Nobis super hoc humiliter porrectis inclinatis: Venerabili Fratri Archiepiscopo Toletano, ac dilectis etiam filiis Inquisitoribus hæreticæ pravitatis in quacumque Provincia, seu loco auctoritate Apostolica deputatis per præsentibus committimus, & mandamus, quatenus ipsi, vel duo, aut unus eorum per se, vel alium, seu alios, ubi, & quando opus fuerit, & quoties pro parte fratrum prædictorum, seu alicujus eorum fuerint requisiti, seu aliquis eorum requisitus fuerit, ipsas præsentibus, & præinfertis literas, ac in eis contenta quæcumque solemniter publicantes, illisque in præmissis efficacis defensionis prædicio assistentes, faciant auctoritate nostra illos, & eorum quemlibet earumdem literarum, & in eis contentorum

hujusmodi commodo, & effectu pacifice frui, & gaudere, non permittentes eos de super a quoquam quavis auctoritate quomodolibet indebite molestari, perturbari, vel inquietari. Contradictores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia appellatione postposita, compescendo, legitimisque super his habendis servatis processibus censuras, & poenas ipsas etiam iteratis vicibus aggravando invocato etiam ad hoc, si opus fuerit auxilio brachii secularis.

Contrariis derogat.

§.3. Non obstantibus fel. rec. Bonifacii Pape VIII. Prædecessoris nostri de una, & Concilii generalis de duabus dietis, dummodo ultra tres dietas aliquis auctoritate præsentium in judicium non trahatur, aliisque Constitutionibus, & Ordinationibus Apostolicis, necnon omnibus, & singulis illis, quæ in literis præinfertis concessimus non obstat, ceterisque contrariis quibuscumque.

Transumptis credi mandat.

§.4. Ceterum volumus pariter, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in ecclesiastica dignitate constitutæ munitis, eadem fides adhiberetur ubique, quæ præsentibus ipsis adhiberetur si forent exhibitæ, vel ostensæ.

Dat. die 14. Oct. 1667. An.

Datum Romæ apud S. M. Majorem, sub Annulo Piscatoris, die 14. Octobris 1667. Pontificatus nostri Anno I.

XXIV.

Mittitur Nuncius Colonia ad Congressum Pacis inter Reges Catholicum, & Christianissimum tractandæ in aliqua Germaniæ, aut alia Civitate, vel loco destinando.

Ex Regest. in Secr. Brv.

Ven. Fratri Augustino Archiepiscopo Trapezuntin nostro, & Apostolice Sedis ad tractum Rbeni, & partes inferioris Germaniæ Nuncio.

CLEMENS PAPA NONUS

Ven. Frater salutem, & apostolicam benedictionem.

§.1. CUM sicut accepimus, Charissimus in Christo filius noster Ludovicus Francorum Rex Christianissimus ob aliquas præventiones, quas in nonnullas Belgii ditiones habet, quasdam Provincias ibidem Charissimo in Christo filio nostro Carolo Hispaniarum Regi Catholico subiectas armis adortus sit: Nos, quibus nihil desiderabilius contingere potest, quam, ut pax, & amabilis animorum concordia nostris temporibus in Orbe Christiano regnet, quique id ab Omnipotentis Dei benignitate accuratis precibus quotidie poscimus, & publicis votis in ipso Pontificatus nostri primordio flagitandum curavimus; sperantes utrumque Regem paternis nostris cohorta-

Motiva præsentis Cont.

tionibus filiali reverentia morem gerendo, suos respective Plenipotentiarios ad aliquam Germaniam, aut aliam Civitatem, vel locum ad id destinandum propediem benedicente Domino missurum esse, aut quicquid hactenus turbatum est, illo, in cuius manu sunt corda Regum, operante, & illa ad pacis consilia suaviter inclinante, amice componatur, quiesque, & tranquillitas Populis restituatur, & fermissime solidetur; ne autem dum de aliquo viro hinc ad locum qui congressibus destinatus fuerit allegando cogitamus, interea desit, qui eisdem congressibus, in eisque habendis tractatibus nostro nomine interveniat, providere volentes, ac de spectata fraternitatis tue fide, prudentia, ac in rebus arduis agendis dextertate, bonique publici zelo plurimum in Domino confisi; motu proprio, ac ex certa scientia, & matura deliberatione nostris, deque apostolica potestate plenitudine, eidem fraternitati tue per presentes committimus, & mandamus, ut ad Civitatem, vel locum, ut prefertur, destinandum te conferas, ac Congressibus, & Tractatibus Pacis ibidem habendis una cum utriusque Regis Plenipotentiariis, aliorumque Principum Catholicorum, si qui illic fuerint legatis nostro, & huius S. Sedis nomine, & tanquam mediator interis, teque interponas, ac omnia facias, dicas, geras, & exequaris, quae ad consequendum operis tam boni, atque optati effectum quovis modo conducibilia fuerint super quibus tibi quaecumque necessarium, & opportunam facultatem harum ferie tribuimus, & impartimur. In contrarium faciendum non obstantibus quibuscumque.

§.2. Ceterum Te in Domino hortamur, ut in iunctum Tibi per presentes munus alacri animo suscipiens, illud ad Dei gloriam, & S. R. E. honorem, Regum, & Principum concordiam, Populorumque quietem, & tranquillitatem sic gerere studeas, ut Tu quidem de praeclaris gestis tuis non solum apud omnes commendationem, & laudem in terris, sed etiam a bonorum operum Retributore praemium in Coelis consequi merearis: Nos vero Te votis, atque de Te expectationi nostris respondere laetemur.

Dat. die 21. Oct. 1667. An. I.

XXV.

Constitutio ut Officium, & Missa Conceptionis Beatae Mariae Virginis Immaculatae cum octava in Urbe, ac universa S. R. E. temporali ditione de praeccepto recitetur.

CLEMENS PAPA NONUS
Ad perpetuam rei memoriam.

Exordium.

Sincera nostra erga Gloriosissimam Virginem Dei Genitricem Mariam pa-

tronam, & advocatam nostram, devotio plane exigit, ut piis nonnullorum ex Venerabilibus Fratribus nostris S. R. E. Cardinalibus, aliorumque Antistitum, qui Ecclesiae in temporali nostra, & Sedis Apostolica ditione consistentibus praesunt, ac Christianifidelium tam Almae Urbis nostrae, ex qua bonorum operum exempla in omnes Christiani Orbis partes assidue promanant, quam caeterarum Civitatum, Oppidorum, & locorum Nobis, & dictae Sedi in temporalibus subditorum votis paterno affectu annuentes, ejusdem Augustissimae Coeli Reginae venerationem in terris quantum Nobis ex alto conceditur, ampliare studeamus.

§.1. Itaque ut tam in Urbe praedicta, quam in caeteris Civitatibus, & Diocesis, Oppidis, Terris, & locis, etiam nullius Diocesis, Nobis, & Sedi praedictae in temporalibus mediate, vel immediate subiectis tum a Secularibus, tum a Regularibus utriusque Sexus, qui horas Canonicae recitare tenentur, Officium, & Missa Conceptionis Beatae Mariae Virginis Immaculatae cum octava in postero de praeccepto recitetur, cum lectionibus in Octavario Romano a Congregatione Venerabilium Fratrum nostrorum ejusdem S. Rom. Ecclesiae Cardinalium sacris Ritibus Praepositorum approbato contentis, & a die octava ad 15. Decembris rite dispositis, auctoritate Apostolica, tenore praesentium mandamus, & decernimus.

§.2. Idemque Officium ad usum Cleri Urbis, ac Civitatum, Diocesum, Oppidorum, Terrarum, & locorum praedictorum seorsim ab Octavario Romano imprimi posse concedimus.

§.3. Non obstantibus Constitutionibus, & Ordinationibus Apostolicis, caeterisque contrariis quibuscumque.

§.4. Volumus autem, ut earumdem praesentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in iudicio, & extra adhibeatur, quae praesentibus ipsis adhiberetur, si forent exhibita, vel ostenta.

Datum Romae apud S. Mariam Majorem sub Annulo Piscatoris, die 21. Oct. 1667. Pontificatus nostri Anno I.

XXVI.

Quod Provinciales Ordinis Beatae Mariae de Mercede Redemptionis Captivorum Discalceatorum in fine triennii sui Officii Provincialatus, Administrationis, & gubernii rationem Vicario Generali reddere teneantur.

CLEMENS PAPA NONUS
Ad perpetuam rei memoriam.

Alia pro parte dilecti filii Procuratoris Generalis Fratrum Ordinis Be-

Officium, & Missa Conceptionis est Octava de praeccepto mandata

Juber imprimi.

Contrariis derogat.

Transumptis fides.

Dat. die 21. Oct. 1667. An. I.

Causa hujus Constituta.

12

tae Mariae de Mercede Redemptionis Captivorum Discalceatorum nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita exposito, quod propter minus rectam administrationem quorundam Provincialium Provincialium dicti Ordinis interdum notabile Conventibus, tam in spiritualibus, quam in temporalibus praevicium sequebatur; ipseque Procurator Generalis propterea cupiebat committi Vicario Generali ejusdem Ordinis, ut per seipsum, vel per suos Commissarios, & Visitatores unumquemque Provinciale in fine sui triennii visitaret, emanavit ab eadem Congregatione Decretum tenoris, qui sequitur videlicet.

Decretum S. Congreg.

§.1. Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium praeposita, attentis narratis, & ne Conventus Ordinis hujusmodi ex mala administratione, seu minus accurato gubernio in spiritualibus, aut temporalibus detrimentum patiantur, censui committendum, prout praesenti Decreto committitur Vicario Generali nunc, & pro tempore existenti ejusdem Ordinis, ut in postero singulos Provinciales in fine triennii eorum officii Provincialatus, per se, vel per suos Commissarios, aut Visitatores visitet, eosque Provinciales quemlibet eorum suae administrationis, & gubernii rationem reddere compellat. Contrariis quibuscumque non obstantibus. Romae prima Aprilis 1667. M. Card. Ginettus.

Approbat. & confirmat.

§.2. Cum autem, sicut dictus Procurator Generalis Nobis nuper exponi fecit, ipse Decretum hujusmodi pro firmiori illius subsistentia apostolica confirmationis nostrae patrocinio communi summopere desideret: Nos ipsum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus ejus nomine Nobis super hoc humiliter porrectis inclinati, Decretum praesertim auctoritate apostolica tenore praesentium approbamus, & confirmamus, illique inviolabilis apostolica firmitatis robur adiicimus. Salva tamen semper in praemissis auctoritate praedictae Congregationis Cardinalium.

Decretum irritans.

§.3. Decernentes ipsas praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit, inviolabiliter observari; sicque in praemissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri Bull. Rom. Tom. VI. Par. VI.

debere, ac irritum, & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus, & Ordinationibus Apostolicis, ac quatenus opus sit, dicti Ordinis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque indultis, & Litteris Apostolicis in contrarium praemissorum, quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Contrariis derogat.

Datum Romae apud S. Mariam Majorem sub Annulo Piscatoris die 22. Octob. 1667. Pontificatus nostri Anno I.

Dat. die 22. Oct. 1667. An. I.

XXVII.

Revocatio, & annullatio Constitutionis Urbani VIII. Eremitas Camaldulensium, Etruriae, sive Provinciae Aretinae cum Congregatione Montis Coronae ejusdem Ordinis incorporantis.

CLEMENS PAPA NONUS

Ad perpetuam rei memoriam.

Illius, qui charitas est, & Deus pacis, vices licet immeriti gerentes in terris, ad ea peculiare vigilantiae nostrae curas libenter convertimus, per qua religiose Christi fidelium, qui abnegatis semetipsos divinis obsequiis sese sub suavi arctioris, atque severioris disciplinae jugo devoverunt, quieti consulitur, prout matura deliberatione adhibita salubriter expedire in Domino arbitramur.

Exordium.

§.1. Dudum siquidem fel. rec. Urbanus Papa VIII. Praedecessor noster, certis tunc expressis causis adductus Eremitum Camaldulensem Etruriae, sive Provinciae Aretinae, ac Congregationem Montis Coronae Ordinis Camaldulensium, eorumque respective Eremos, Monasteria, Membra, & alia Loca Regularia ab eis dependentia invicem perpetuo univit, annexuit, & incorporavit, ac ex eis omnibus sic unitis, annexis, & incorporatis unicum dumtaxat Congregationem, non amplius Montis Coronae, sed Eremitarum Camaldulensium, de cetero nuncupandam, cujus caput esset praedicta Eremita Camaldulensis Etruriae, similiter perpetuo crexit, & instituit; ac insuper idem Urbanus Praedecessor unionem, & incorporationem Eremita Camaldulensium in Montibus prope Civitatem Taurinensem sita, una cum aliis Eremitis, & Domibus, seu locis ab ea dependentibus, sive quoquo modo ad illam pertinentibus, praedictae Congregationi Camaldulensium Montis Coronae sub certis tunc expressis

Motiva.

D d con-

Revocatio de qua in rubr.

conditionibus factas auctoritate apostolica approbavit, & confirmavit, & alias, prout in huius ipsius Urbani Prædecessoris literis desuper in simili forma Brevis die 8. Octobris 1633., & die 8. Augustii 1635. respective expeditis, quarum tenores præsentibus pro plene, & sufficienter expressis, ac de verbo ad verbum insertis haberi volumus, uberius continetur.

§.2. Cum autem (sicut accepimus) subinde inter dilectos filios Eremitas Camaldulenses, illos nimirum Nationis Etruriae, qui militant sub nomine Congregationis Eremitæ sacræ ex una, & illos Nationum Status nostri Ecclesiastici, Domini Veneti, Regni Neapolis, Poloniae, & Germania, qui olim militabant sub nomine Congregationis Montis Coronæ ex altera, ac illos Nationis Pedemontanæ ex alia respective partibus varia controversiâ, & differentiâ exorta, ac suscitata fuerint.

§.3. Nos pro commissa Nobis coelitus Pastoralis officii cura opportunum ejusmodi dissidiis remedium adhibere, ac fraternæ charitatis amœnitatem inter Eremitas prædictos, quantum cum Domino possumus, restituere, atque firmiter solidare cupientes, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium Præpositorum, qui controversias, & differentias prædictas ex commissione recem. Alexandri Papæ VII. Prædecessoris pariter nostri mature, ac diligenter examinarunt, & perpenderunt, consilio: Motu proprio, ac ex certa scientia, & matura deliberatione nostris, deque apostolicæ potestatis plenitudine unionem, annexionem, & incorporationem Eremitæ Camaldulensium Etruriae, sive Provinciae Aretinae, ac Congregationis Montis Coronæ, earumque respective Eremitarum, Monasteriorum, Membrorum, & aliorum Locorum Regularium prædictorum invicem, uniusque Congregationis ex illis sic unitis, annexis, & incorporatis erectionem, & institutionem a memorato Urbano Prædecessore factas, necnon aliam unionem, sive incorporationem Eremitæ Camaldulensium in Montibus prope Taurinum sita una cum aliis Eremitis, domibus, & locis ab ea dependentibus, sive quoquo modo ad illam pertinentibus ad prædictam Congregationem Camaldulensium Montis Coronæ factam, & ab eodem Urbano Prædecessore confirmatam, ut præfertur, & prout illas respective concernunt, emanatas desuper ipsius Urbani Prædecessoris literas prædictas ex nunc tenore præsentium revocamus, dissolvimus, irritamus, & annullamus, viribusque, & effectu penitus, & omnino vacuumus, ac ex nunc revocatas, dissolutas, irritas, & annullatas, viribusque, & effectu vacuumus esse, & fore decernimus, & declaramus, necnon Nationes prædictas ab invicem separamus, easque ad formam regiminis, quo ante unionem respective gubernabantur, reducimus.

§.4. Præterea dilecto filio nostro Petro

S. R. E. Cardinali Vidono nuncupato Ordinis huiusmodi apud Nos, & Sedem Ap. Protectori per eandem præsentibus motu patri committimus, & mandamus, ut cullibet ex dictis Nationibus leges, & consuetudines antiquas ex laudabili earum instituto auctoritate nostra Apostolica statuatur, exacteque observari faciat, jus unicuique tribuat, causas, & lites decedat, & terminet, cæteraque faciat, quæ ad majorem Dei cultum, & gloriam, ac dictarum Nationum tranquillitatem conducere arbitrabitur. Nos enim ipsi Petro Cardinali, & Protectori quamcumque necessariam, & opportunam ad præmissa facultatem harum serie, motu, scientia, & potestatis plenitudine paribus tribuimus, & impartimur.

§.5. Decernentes easdem præsentibus literas, & in eis contenta quæcumque, etiam ex eo, quod Eremitæ prædicti, & alii quilibet in præmissis interesse habentes, seu habere quomodolibet pretendentes, etiam si cujusvis status, ordinis, conditionis, præminentiae, & dignitatis, aut alias specialis, & individua mentione digni existant, illis non consenserint, seu ad ea citati, vocati & auditi, aut causæ propter quas ipsæ præsentibus emanarint, adductæ, verificatæ, & justificatæ non fuerint, vel ex alia quacumque, quantumvis legitima, pia, & privilegiata causa, colore, prætextu, & capite etiam enormis, enormissimæ, & totalis læsionis nullo unquam tempore de subreptione, vel obreptione, aut nullitatis vitio, seu intentionis nostræ, vel interesse habentium consensus, aliove quolibet quantumvis magno, & substantiali defectu notari, impugnari, infringi, retractari, ad terminos juris reduci, a ut in controversiam revocari, seu adversus illas aperiitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare posse, sed ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari.

§.6. Sicque, & non aliter in præmissis per quoscumque Judices Ordinarios, & Delegatos, etiam causarum Palatii Apostolici Auditores, ac Sanctæ Romanæ Ecclesiæ prædictæ Cardinales etiam de Latere Legatos, distaq; Sedis Nuncios, & alios quoslibet quacumque præminentia & potestate fungentes, & functuros sublata eis, & eorum, cullibet quavis aliter iudicandi, & interpretandi facultate, & auctoritate, iudicari, & desiniri debere, ac irritum, & inane, quidquid fecerit super his a quoquam quavis auctoritate scienter, vel ignoranter contigerit attentari.

Executores deputat.

Decretum irritans.

Clausula sublata.

Non

Contratiis derogat.

§.7. Non obstantibus prædictis Urbani Prædecessoris literis, ac quatenus opus sit nostra, & Cancellariæ Apostolicæ Regula de non tollendo jure quaesito, iisque Constitutionibus, & Ordinationibus Apostolicis, necnon dictarum Eremitarum, & Congregationum, aliisque quibusvis etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & literis Apostolicis etiam eisdem Eremitis & Congregationibus, earumque personis quibusvis, sub quibuscumque verborum tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie etiam iteratis vicibus concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum inferrentur, præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Transumptio fides.

§.8. Volumus autem, ut earumdem præsentium litterarum transumptis, seu exemplis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis eadem prorsus fides ubique adhibeatur, quæ præsentibus adhiberetur, si forent exhibitæ, vel ostense.

Dat. die 24. Oct. 1667. An. I.

Datum Romæ apud S. Mariam Maiorem sub Annulo Piscatoris, die 24. Oct. 1667. Pontificatus nostri Anno I.

XXVIII.

Ex Regest. in Sect. Brevis.

Revocatio Unionis factæ ab Alexandro VII. Congregationum Monachorum Vallis Umbrosæ, & Silvestrinorum Ord. Sancti Benedicti, &c.

CLEMENS PAPA NONUS

Ad perpetuam rei memoriam.

Procurium.

Romanus Pont. in Sublimi Sedis Apostolicæ solio a Domino constitutus, ea quæ a Prædecessoribus suis, pia quidem intentione, atque laudabili promovendæ Monasticæ disciplinæ studio constituta fuerunt, si postmodum non eum qui ab initio sperabatur effectum inde consequi, sed potius multum exinde incommodi subnasci conspiciat, in melius reformare studet, sicut matura deliberatione prævia, rationi arbitratur esse consentaneum.

Recessit literas de unionem de qua in Rubric.

§.1. Alias siquidem fel. rec. Alexander Papa VII. Prædecessor noster certis tunc expressis causis adductis, Congregationes Monachorum Vallis Umbrosæ, & Silvestrinorum nuncupatorum Ordinis S. Benedicti, Rom. Tom. VI. Par. VI.

dicti, ac omnia, & singula utriusque illorum Monasteria, Grancias, Conventus, Membra, & alia Loca Regularia quæcumque ad illas quovis modo spectantia, & ab ipsis Congregationibus, earumque Monasteriis, & Locis Regularibus quomodocumque, & qualitercumque dependentia in unam Congregationem, quæ Congregatio Vallis Umbrosæ, & Silvestrina Ordinis Sancti Benedicti nuncupati, & conjunctis ambarum Congregationum huiusmodi insignibus uti deberet, perpetuo conjunxit, & univit, cum diversis Ordinationibus, statutis, & Decretis, prout in ipsius Alexandri Prædecessoris literis desuper in simili forma Brevis die 29. Martii 1662. expeditis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§.2. Cum autem, sicut accepimus, ex d. Congregationum unione, & in unum corpus conjunctione huiusmodi non solum spiritu alis, temporalisque illarum utilitas, quam memoratus Alexander Prædecessor unice spectabat, consecuta non sit, sed etiam varia inter utriusque Congregationis Monachos dissidia sint exorta, quæ eorum religiosæ quieti, ipsarumque Congregationum statui, & felici directioni non modicum adferre noscuntur detrimentum. Hinc est, quod Nos pro commissa Nobis coelitus Pastoralis Officii cura felici, prosperoque earumdem Congregationum regimini, & gubernio, earumque respective Professorum tranquillitati salubriter quantum Nobis ex alto conceditur consulere cupientes, Motu proprio, ac ex certa scientia, & matura deliberatione nostris, deque Apostolicæ potestatis plenitudine, unionem, & conjunctionem præfatarum duarum Congregationum Monachorum Vallis umbrosæ, & Silvestrinorum, ac illarum utriusque Monasteriorum, Granciarum, Conventuum, Membrorum, & locorum Regularium huiusmodi in unam Congregationem a præfato Alexandro Prædecessore factas, ut præfertur, emanatasque desuper ipsius Alexandri Prædecessoris literas prædictas tenore præsentium ex nunc revocamus, dissolvimus, irritamus, & annullamus, viribusque, & effectu penitus, & omnino vacuumus, ac revocatas, dissolutas, irritas, & annullatas, viribusque, & effectu vacuumus esse, & perpetuo fore decernimus, & declaramus, ipsarumque Congregationes, & illorum respective Monasteria, Grancias, Conventus, membra, & loca Regularia præfata ab invicem separamus, ac in pristinum, & eum, in quo antequam præfata Alexandri Prædecessoris literæ emanassent, quovis modo erant statum, itaut deinceps pristinis respective nominibus, atque insignibus nuncupari, & uti debeant restituimus, reponimus, & plenarie reintegramus, necnon ad eam regiminis normam, qua ante unionem, & conjunctionem huiusmodi respective gubernabantur reducimus.

Motiva revocationis.

In pristinum statum Congregationes reponit.

D d a

De